

重慶府縣志輯

①4

中國地方志集成

嘉慶江津縣志

光緒江津縣志

中國地方志集成

重慶府縣志輯 ⑭

嘉慶江津縣志

光緒江津縣志

巴蜀書社 · 鳳凰出版社 · 上海書店

第十四冊目錄

嘉慶江津縣志.....一

光緒江津縣志.....四四七

嘉慶

江津縣志

清·曾受一 修 王家駒 纂 徐鼎 續修 楊彥青 續纂

嘉慶十七年李寶曾續修刻本 二十二卷

序

江津在蜀號稱難治宋邑令冉木已言之乙酉冬予自珙調此以鉛刀試盤錯又值歲饑日圖賑卹他務未遑丙戌秋熟哀鴻既定乃訪故實求志兼得前明楊凡川

國初龔筍湄二家抄本殘缺漫漶即欲修之簿書旁午命盜累累疑治津於今其宜整頓者尚多區區紀載似非所急既而思之無所慕而為善無所畏而不為不善古今有幾習俗

序

一

之偷大都狃於輓近前輩風流善事不覩不聞無以感發興起而耳濡目染皆勃谿之習罵陵之行翕然趨之其何足怪昔常道將志蜀人物自漢迄晉四百人復撰後賢志蓋其未脩呂大防稱其樂道人善良以章風教而正人心非旌別泐愚無以示勸耳況乎一邑之故興革隨時予蒞任二載而城郭祠宇強半殊昔則自設縣以來千有餘年職官賦稅建置攻守之謨曷可勝記一任湮滅在今日

已取舍無資後之人其何所依據至於循良之吏功德在人俊傑之生儀型之式與夫忠魂烈魄取義成仁亦且與野馬塵埃同沒卽原善無一字之褒惡免斧鉞之戮吾不知所整頓者何事矣爰卽二家之志缺者補之訛者正之筍湄而後又近百年準之遷史詳秦漢班書脩哀平世及事邇尤虞桂漏因與邑屬諸君子博採而續增之越戊子夏竣事諸君子請付諸梓予懼其未足信今而傳後也

序

二

諸君子曰及今不登梨惠安知他日不蹈凡川纂本之散佚於殘錄九九箕耶復呈學憲羅公荷蒙卽可予於是叙而刊之以俟後賢參考論定不致悼於杞宋無徵且使讀是書者追先喆之懿泐可以維風鑒前事之興衰用為法戒或亦治江邑之一助云

皆

乾隆三十三年歲次戊子仲冬知江津縣東安曾受一正萬氏譔

縣志序

國有史省治郡縣各有志所以別泚慝昭勸懲維人心而厚風俗不可廢也顧邑志尤足補史所未備何者國史總括宇內諸所紀載舉重大者而言至若窮鄉僻壤事未必盡傳傳矣又史不盡書其間人物興替事勢沿革與夫美行懿德之待表揚者何可勝道此縣志之作由來尚已江津於蜀號稱名區代產偉人而縣志獨缺前明楊几川

序

三

國初龔筍涓兩先生先後手錄抄本卒未刻邑侯曾公之涖津也修廢起墜百度具舉謂志為一邑大典所關我

朝定鼎聲教四訖紀載幾遍天下獨津志遷延以迄於今再復數十年茲邑文獻愈歸漸滅後有志者欲從而搜羅往事昭示來茲將何所依據以徵信耶此邑人士之憾抑守土者之責也公以簿書餘閒取楊龔二家抄本參互考訂詳加釐政而續增之其分門別類

序

四

每條所載必溯流窮源確有依據蓋不欲雷同附會因陋就簡匪獨嚴於著述之體亦所以信今而傳後也稿既定余覆觀之因歎史家載籍盈筭積案讀史者每病其繁或其事邈遠多難徵信而裨史者流又復無關懲勸若茲編所志近在一邑數百年故實不出桑梓按籍而考貞淫淑慝共見共聞好善惡惡之心可以油然而興矣於以維人心厚風俗仰副

聖天子教育元元至意謂是書之作即國史之嚆矢也可守土之功孰有大於是與公學問淵洽尤長於史予與公同城任職與有風勵之責書成付梓幸志典之不終缺也爰為序

省

乾隆三十三年戊子秋月既望

平都馮廻駟翔麟甫書

縣志後序

津志殘缺久矣余幼時見笋湄志稿規制略具繼獲几川志纔二卷而訛易幾不可辨後復借抄舊志五卷知為黎平王公所輯大概本之笋湄然載自雍正癸丑而止此後闕如蓋篋而藏之且數十載欲重加修纂一付剗刪而悵無由也我邑侯曾公涖津修廢舉隆於公事旁午之餘惻惻以津志為念悉取舊稿統加裁正缺者補之略者增之疑似者

序

五

參酌之紀錄必要其實考據必得其詳其他論著莫不原本經術切中民情期於有所勸戒而止而表微闡幽於懿行貞操尤三致意焉蓋公為津邑計深遠而人心風俗可於是而正教養治化可由是而興不特為津人所訓行亦且為治津之永鑑詎僅網羅放失記數百年之故實已哉余見聞寡陋無能為役公不鄙而命與校讐藝文士女諸志殘編斷碣蒐討頗效微勤閱歲志成都為二十

一卷其中有採之振玉夏君志纂並府志抄及通志本者是皆不可沒也夫志續修者也津志向無刻本其所遺軼何限今幸已付梓缺者頓完抑亦可無憾矣爰綴教語簡末以俟後之續津志者

乾隆三十三年戊子冬月望日

邑人王家駒子昂氏書

序

六

志者古史之流邑志記一邑之事者也江寧舊幾志矣典守弗固板刻浸微歲嘉靖庚子首夏邑令楊履祥氏造彝再拜曰計故志絕筆垂三十年方今聖君繼統撫運百度維新若頒布學宮諸制正號明倫黜浮留雅允宜增志邑務紛繁風移俗更因草緣時若不為書後安從考大夫盍予圖哉彝因嘉吾令之先治要也乃與二三同志從事焉總其目錄

序

七

使事各類附令夫兩川攸靖皇祖之休謹引以平蜀傳乃若山川宅區肇造成邑諸治權輿矣故首志輿地任土作貢利用有經矣次志食貨計安養足食用政教行矣次志官師典禮修樂神道設矣次志祠祀登賢遂良以人事君大義昭矣次志選舉抱道勵行人道炳矣次志人物餘凡菑祥蓂藝方外者流畧書見例乃事閑休戚諸條中弗及載者別為補遺於后總曰雜志終焉經理凡三月事乃

族謹再拜以覆揚令曰邑無三長安能修辭垂遠謹錄要畧備考閱爾所幾以辨方者因其理以考賦者廉其操以率職者敬其事以舉祀者一其衷以求賢者精其鑑以論世者景其先以觀物者探其贖允若茲類稍列勸戒之義焉若詳閱周遺顧有吾師數山郭生故志在

序

八

舊志序

邑令 王 璧

國家誕膺

天命四履之盛亘古無比而其順時敷治一惟鑒於成憲我

皇上秉天縱之資厲日新之學遠稽近述以弘天德凡卹索之林必欲咸登於

宸覽也

乘輿狩泰山臨黃河周巡江淮之勝凡節屋之艱必欲胥陳於

序

九

清問也彼夫几筵之下瀏覽之頃而天地民物之故古今沿革之變燎如指掌非廣輿志乘乎
渙汗孜孜務勤纂修甚盛典也予小臣以康熙庚申畀任尹津跋履連雲已心怵蜀道之難既達治所於岷江則觀澎渤朝宗之勢於華蓋
鼎山諸岫則見穹峰列障之奇稱為川東雄治信哉然當賊愍初殄岵負猶迷耕桑之賦
竄入戍籍糧戶紛詭莫可究詰張弛揆縱之間治之亦綦難矣予凜凜懼奉職無狀仰宣

皇仁開宥脅後為之詳請歸農而賣刀為之耕耨

踵矣驚羽既戢荒阡漸擴乃為之均田賦焉為之敦學校焉而生聚訓教次第可睹矣學
宮官署咸割俸營修而文物氣象亦復改觀矣此固宰之常職予敢自謂無忝歟顧一隅
未靖四方之憂也幸小康矣即圖所以久安之謨則本舊聞而詳治具不臚其事曷有造
於來茲乎爰延集耆英博討故實決兩旬編次告竣釐為 卷是役也一邑已細仍惜守
序

殘然滙衆流而成江海之大綜萬有而睹覆載之弘吾知珥筆揆藻以彰大一統之模亦或有取於斯焉

舊志序

邑人 龔懋熙

李文公曰凡為天下者視千里之都為千里之都者視百里之縣蓋一縣之治具推之天下之入不能易事以有為也是以哲后圖理談本未貫內外舉六合之遠約而揀之宥密之中至於制度文為損益因革之數散見於事者雖在荒陬陋壤亦各綜絡一方之故類聚條分之而百世可知匪曰蓄德固後政之先務也

國家文治熙洽

詔修史秉博徵天下輿地志以成明備之盛而蜀以灌莽甫闢修葺獨後勢固有弗給也邑侯王公叱馭來津績成奏景慨然謂余曰津諸廢以次舉惟邑乘尚缺何以昭王會永前聞其為我圖之余惟今日之舉有三難文獻凋泯懼採訪之難其資也辭義拘牽懼立言之難其當也學問荒落懼行遠之難其文也故

蜀志以昭蓋笑又曰邑經秦燬之餘此

序

不逮十一若後引難相避不幾並此十一若而蕩滅之乎於敬桑梓之義謂何余無以辭因偕二三同志就學宮俎豆之所詳蒐互正取省志例分類二十有三其津事已載省志及省志所不能詳而邑殘乘可考或父老具聞可據者依類編次每類撮謠言以弁其端俱遵省志式也六字同文各有記載以臚古今以備天人津稱蠟邑治具可勿亟講乎是舉也亦覲侯忠愛敬職之畧云

平縣志

凡例

一邑志舊無刻板所傳抄志二帙一嘉靖庚子知縣楊元吉屬邑人楊几川纂一康熙庚申知縣王壁屬邑人龔笋渭纂楊與龔皆具大學識志桑梓自可親第楊本僅存首冊混於殘錄九九算中龔本粗具而展轉傳寫魚魯莫辨蠹蝕鼠侵至不可讀然猶賴有此斷爛殘帙稍可據依因悉心採訪參之列史華陽國志四川通志蜀碧山海經水經

二江原志

凡例

一

註詳加考訂以成是書常璩有言善志者述而不作茲篇亦竊取傳述之意云爾

一事必求端于天治天之職理天之工首志天文崇敬畏也畫疆分土以嚴封域故地理次之因地置官以撫其民故職官次之任土作貢則有賦從設兵以衛則有兵防民食最重故次以食貨教化宜興故次以學校明典禮教之事也厚風俗教之要也故典禮次之風俗又次之自序人才出而後茅連茹風聲樹而彰善瘴惡故選舉次之士女又

次之至于採名賢之撰述萃合邑之精華者藝文也故殿以藝文而志外著筆削之指志疑存闕文之意故終篇以二者附焉

一志以宣揚

上德使士民感激效忠我

朝并丁埽地以康熙五十年爲例永不加賦定耗羨設

養廉皆曠古所未有至于尊崇

聖學如孔子及顏曾思孟諸賢洙泗淵源相承一脉

勅禁建三教堂黜邪崇正屢

三江原志

凡例

二

頒訓飭士子加意樂育丁祭儀文度數禮明樂備均宜

大書特書俾知

聖天子教養深恩超越千古邑人士生逢

盛世沐浴膏澤歌詠勤苦宜何如奮勉圖報歟

一邑令膺百里之寄稱職良難然楊几川嘗言自

創建至今代開循愷而成化中有鄧達狷介不苟

課士不倦正德中有田重器除巨惡置之法民賴

以安載省志名宦几川修志于嘉靖間遺之龔笋

渭志亦不錄何歟今依通志補入俾循吏不至湮

沒官斯土者亦有所勸勉矣

一志重人物貴乎傳信而善善欲長濫採固要公
論輕棄尤傷忠厚生卒事蹟均宜考核邑人物若
然溫謁渙董和毋雅陳爲皆江州人雖地屬僊伺
然楊龔纂志收之安知不產於縣屬故未敢割去
至范鎮杜莘老既徙居江津卒塋咸在安敢從二
家纂以流寓外之又江淵於景泰初以刑部侍郎
兼翰林學士直文淵閣預機務尋加太子少師後
陞尚書挾志悞以爲官大學士謫戍遼東卒悞以
爲被議歸里官卒皆訛今依明史改正至明末曹
立卿雖諸生名微而心懷忠盡事見省志及蜀碧
又刁化神兩起義兵父子捐軀笋渭志皆遺之今
悉補入若程源向列武功曹恢向列仕績予攷其
行事一改列忠義一改列隱逸蓋表其大節而武
功仕績不足言也至於時賢非無可書第古人謂
蓋棺論乃定故未遽入

一藝文所收取其有係本邑非徒漱芳詞苑騁轡
藝林然指陳往蹟儼在當前摹寫孤標具真面目

其事可鏡其人如生則文亦與有助焉龔笋渭僅

登劉兩忠義祠記一篇謂冉木心舟亭記不登重

修學宮記王震午邑大夫有功學校碑梁汎重修

廟學記咸稱鉅篇舊志裁省意義索然概置不錄

今王震午作並遺失政跡淪亡豈獨文章之厄哉

亦所採多掇拾於風雨煨燼之餘強半噉蝕訛舛

如楊凡川平蜀傳首簡已逸因考証他書悉心訂

正所謂斯文金玉非砂礫糞土所能掩沒信不誣

矣至時賢所著惟閔邑事者登之蓋避去取之嫌

循吳敏德文章辨體例也

一楊凡川序稱有鄒雙山故志既不可得周佑祚

序稱康熙甲戌李令萬衍以龔志付剞劂徧查俱

無刻本其實未鉅板也予成志後復得邑人原任

灌縣訓導夏振玉新修志抄本亦祖楊龔二家此

稿而藝文採輯較多予取而補之其志沿革建置

頗未核不敢附入

一修志與史略同當筆則筆當削則削一字不容

假借予愧乏三長然秉持直道不可撓也故不敢

開局衢路致滋寅緣亦不敢故爲虛謙有所假手

至於採訪論訂則學博馮君

延駒尹君順琮邑進士

王君

家駒

前彭澤尹潘君

廷颺

大庾尹周君

文

惟諸君子皆佐予不逮者也例得備書

續修江津縣志

邑之有志與國史等史必隨事記註志亦必因時修續然後不致嘆無徵而足以資考鑑津志自前令正萬曾公邑進士子昂王先生同為編纂後迄今垂四十年矣前歲余來權縣事即取舊志讀之見其體例謹嚴考核詳慎而於民生士習世道人心尤三致意焉信足以警俗化澆為一邑勸時邑人士即請余續之以廣近令所未脩緣軍務旁午未遑及

此今秋蜀境救寧始開局從事於舊志綱目一仍其故每門隨類增入即舊例所無而事不可削者亦就事補叙如弭寇救荒潛德耆壽之類是也然皆確為採訪必實有可據始為編輯即文藝之末亦無敢濫焉昭其慎也津邑繁劇素號難治曾公以習俗囂凌故特為旌別淑慝以示勸懲余之蒞津適當軍徭荒歉之後又民之生齒愈繁其治之也較昔尤不易余愧乏折獄才遇事每廣為開導以

發其固有之良兩年來士民亦相安余拙訟

獄亦漸就清釐令復於志而彰瘡靡遺者亦

猶曾公之意也憶余少侍先大夫宦於夔魯

問學於子昂先生今來宰先生邑讀先生志

序其末云以俟後之續津志者三十餘年若

遙相待焉獨余執掌簿書學殖荒落有愧先

生耳是役也閱兩月而告成其采訪則兩學

博高君嶠高君承儒是任他如編次校讐則

侍御楊君彥青進士蹇君滋善庠生王君昌

江津縣志 卷一序

年之力為多是皆不可沒也例得備書

皆

嘉慶九年歲次甲子仲冬署江津縣稽山徐

鼎立三氏譔

續修津志序

歲開逢困敦秋吉邑大尹徐公筵松岩楊子

數人於餘清之堂揚觴言曰余不佞無能令

也抑大府不以余不佞而俾余權若令余則

安敢負令為一邑羞然余兩稔於茲矣於庶

政審焉於庶獄慎焉以懲以誠而卒莫余從

也意者政教之未修與不有彰之奚自生其

慕不有瘕之罔所愧於心與邑故有志久殘

缺矣諸君為我續理之舉廢典興隆事岩壑

江津縣志 卷一序

之癰黎巷之芳爬之扶之使彼揚也勿市美

以掠名勿外避嫌而中私勿築室而道是謀

以不潰于成克允克諧庶臧厥事樹風教為

若民勸乎楊子唯唯退謀諸同事載翻載閱

搜故紙也乃咨乃詢訪逸事也爰筆爰削編

遺文也弗簡而濫矢慎以詳權輿秋戊子歲

事冬丙辰越三月謹繕以復於公惟公加採

擇致詞曰公不鄙夷邑之黥不以鞭扑理而

思以化導之猶不獨以身示也而以邑人

式之使民取而觀之而曰某丈夫也良我公
禮若盧焉某女子也貞我公旌厥門焉某德
而潛行而善我公榮其姓字表旂龍焉我何
不肖而令公析楊我也圖罔我也公豈我仇
哉毋抑以我不若某某者故不我禮而我刑
繼自今我曷不改行以效若某者使公禮我
不刑我耶審若是民有不勸乎邑有不治乎
公之志津以圖治進乎道矣公曰敬煩子大
夫勤於父而善言德化也遂落之以觴並書

江津縣志

卷一序

四

答問之詞標於簡首以詒來者

訾

嘉慶九年甲子仲冬字水楊彥青松岩氏書

江津縣志序

江津在重慶府城之西南
古屬巴國漢稱江州西魏
稱江陽縣隋改江津縣
國初曰明制編戶三里康
熙三十二年每里分編改

江津縣志

卷一序

五

為十二都際水陸之衝紐
嶠黔之會為川東雄治向
無志乘乾隆三十三年知
縣東安曾君採前明楊凡
川

本朝龔筍湄二家抄本補

缺正訛作志若干卷嘉慶四年己未余銜

命出守下車之初庶務未

舉即奉大帥檄入軍營

從征白蓮教流逆奔走靡

暇稽考之事闕焉八年癸

江津縣志

卷一

序

亥蜀境肅清次年始得綜理郡事博求舊聞表微闡幽以彰

聖治維時權知縣事徐君

立三正修輯邑志甫成余

披而讀之首志天文次地

里次職官次賦役次兵防

次食貨次學校次典禮次

風俗次藝文終以志外志

疑分門別類釐政增續每

條所載必根本經術溯流

窮源確有依據考訂既實

江津縣志

卷一

序

體例亦嚴繁簡得宜懲勸

斯著足以厚風化而維人

心誠治世之書非徒網羅

放失記載故實已也楊几

川龔筍湄皆聞人藝文志

多載其文蓋仕學之並優